



BAHAGIAN TEKNOLOGI MAKLUMAT DAN KOMUNIKASI & KESELAMATAN KESIHATAN PEKERJAAN

PANDUAN PENGISIAN BORANG LAPORAN PRESTASI KKP

MAKLUMAT BAHAGIAN/ZON/UNIT

1. **Bahagian/Zon/Unit;**

Nama Bahagian/Zon/Unit untuk laporan ini.

2. **Suku Pelaporan;**

Suku pada tempoh laporan ini dilengkapkan. Contohnya bagi Suku 1 merangkumi laporan bagi tempoh 1 Januari sehingga 31 Mac.

3. **Tarikh Laporan;**

Tarikh laporan ini dibuat dan dilengkapkan.

SEKSYEN A: STATISTIK

1. **Jumlah Bilangan Pekerja;**

Bilangan semasa pekerja yang berkhidmat di Bahagian/Zon/Unit laporan ini dibuat.

2. **Jumlah Cuti Sakit Pekerja Disebabkan Kemalangan;**

Jumlah bilangan Cuti Sakit yang diberikan kepada pekerja yang terlibat dalam kemalangan di tempat kerja. Contohnya Pekerja A diberikan Cuti Sakit selama 4 hari akibat kemalangan di tempat kerja pada 2hb, manakala Pekerja B pula diberikan Cuti Sakit selama 7 hari akibat kemalangan di tempat kerja yang sama pada 15hb. Maka jumlah Cuti Sakit pada bulan tersebut ialah selama 11 hari.

SEKSYEN B: REKOD KES KEMALANGAN

1. **Kes Kemalangan Major (Cuti Sakit \geq 5 Hari)**

1.1. **Kematian;**

Bilangan kes kemalangan yang berlaku di tempat kerja yang melibatkan kematian.

1.2. **Kemalangan Parah (Cuti Sakit \geq 5 Hari);**

Bilangan kes kemalangan yang berlaku di tempat kerja yang melibatkan kecederaan parah dan diberikan Cuti Sakit oleh pihak hospital/klinik selama lebih daripada 4 hari (5 hari ke atas). Contohnya kes kemalangan melibatkan Pekerja A yang mengalami patah tangan setelah terjatuh semasa menggunakan tangga mudah alih di pejabat dan diberikan Cuti Sakit selama 10 hari.

2. **Kes Kemalangan Minor (Cuti Sakit < 5 Hari);**

2.1. **Kes Rawatan Perubatan;**

Bilangan kes kemalangan di tempat kerja yang melibatkan kecederaan dan memerlukan rawatan di hospital/klinik dan diberikan Cuti Sakit selama kurang daripada 5 hari (1 hingga 4 hari). Contohnya kes kemalangan pekerja tersadung dan terjatuh di pejabat yang mengakibatkan kecederaan kaki terseliuh dan diberikan Cuti Sakit selama 3 hari oleh pihak hospital.

2.2. **Kes Rawatan Kecil (*First Aid*);**

Bilangan kes kemalangan di tempat kerja yang mengakibatkan kecederaan ringan dan hanya memerlukan rawatan kecil di tempat kerja. Contohnya kes kemalangan melibatkan jari pekerja terluka akibat terhiris pisau pemotong (*cutter*) semasa memotong kertas di pejabat dan hanya memerlukan rawatan ringan menggunakan peti pertolongan cemas.

2.3. **Penyakit Pekerjaan;**

Bilangan kes penyakit pekerjaan yang dilaporkan dalam kalangan staf. Penyakit pekerjaan bermaksud penyakit yang berbangkit daripada atau berkaitan dengan kerja. Contohnya penyakit paru-paru akibat daripada pendedahan kepada debu silika halus, penyakit *Carpel Tunnel Syndrome* dan Sakit Belakang akibat daripada pergerakan berulang atau postur kerja yang tidak ergonomik, kehilangan pendengaran akibat pendedahan kepada bunyi bising, dan sebagainya.

3. **Kes Kemalangan Tiada Kecederaan**

3.1. **Kebakaran;**

Bilangan kes kebakaran kecil yang berlaku di pejabat dan dapat ditangani dengan segera. Contohnya kes tong sampah terbakar akibat puntung rokok dan kes soket elektrik terbakar akibat litar pintas.

3.2. **Kerosakan Harta Benda;**

Bilangan kes kemalangan di tempat yang melibatkan kerosakan harta benda.

3.3. **Kemalangan Dalam Perjalanan;**

Bilangan kes kemalangan yang melibatkan perjalan pekerja ketika berkerja dan/atau perjalanan pergi dan balik pekerja. Contohnya kes kemalangan pekerja semasa dalam perjalanan daripada Kota Kinabalu ke Tawau ketika bertugas di luar pejabat.

3.4. **Kejadian Hampir (*Near Miss*);**

Bilangan kes kemalangan atau insiden yang hampir berlaku atau telah berlaku dan hampir menyebabkan kecederaan, kematian, pencemaran alam sekitar atau kerosakan harta benda. Contohnya kes kemalangan pekerja tersadung dan terjatuh tanpa cedera di pejabat akibat susunan kabel elektrik tidak kemas di lantai.

4. **Kes Penyakit Berjangkit;**

Bilangan kes penyakit berjangkit yang dihadapi dalam kalangan staf. Contohnya Penyakit Tibi, Influenza A, Penyakit Tangan, Kaki dan Mulut (HFMD), *Chickenpox* dan sebagainya.

SEKSYEN C: PROGRAM KKP

1. **Jumlah Mesyuarat KKP;**

Bilangan mesyuarat berkaitan KKP yang telah dilaksanakan. Contohnya Mesyuarat Jawatankuasa KKP dan mesyuarat berkaitan KKP bersama pihak kontraktor luar.

2. **Jumlah Latihan KKP;**

Bilangan latihan berkaitan KKP yang dihadiri oleh staf. Contohnya Latihan Pertolongan Cemas dan Latihan penggunaan Alat Pemadam Api.

3. **Jumlah Taklimat/Toolbox;**

Bilangan taklimat berkaitan KKP yang telah dilaksanakan sama ada untuk staf atau bukan staf. Contohnya penyampaian taklimat KKP kepada pekerja kontraktor yang berkerja di premis Yayasan Sabah dan taklimat mengenai Dasar KKP Kumpulan Yayasan Sabah kepada staf.

4. **Jumlah Pemeriksaan KKP (Pemeriksaan Dalaman & Luaran);**

Bilangan pemeriksaan berkaitan KKP yang dilakukan di tempat kerja sama ada dilakukan oleh staf Bahagian/Zon/Unit sendiri atau daripada pihak luar. Contohnya Pemeriksaan Tempat Kerja (PTK) oleh Pegawai Perhubungan Keselamatan dan Kesihatan pekerjaan dan Audit KKP yang dilaksanakan oleh Pegawai KKP daripada Seksyen KKP.

5. **Pelaporan Unsafe Act, Unsafe Condition (UAUC);**

Bilangan laporan yang dilakukan mengenai keadaan tidak selamat, perbuatan tidak selamat atau hazard baharu yang terdapat di tempat kerja. Contohnya pemberitahuan mengenai keadaan tidak selamat kepada pihak Seksyen KKP dengan menggunakan QR Code yang disediakan.

6. **Lain-lain (Contohnya Kempen atau Promosi Berkaitan KKP);**

Bilangan program-program berkaitan KKP lain yang dilaksanakan di peringkat Bahagian/Zon/Unit masing-masing. Contohnya aktiviti gotong-royong untuk membersihkan ruang pejabat dan kempen derma darah.